

03

Broj: 04-45-1-8821/21  
Sarajevo 09.11.2021. godine

**Ekonomsko-socijalno vijeće za teritoriju Federacije BiH**  
**Hamdije Čemerlića br. 2**  
**71000 Sarajevo**

BOSNA I HERCEGOVINA FEDERACIJA BOSNE I HERCEGOVINE FEDERALNO MINISTARSTVO FINANSIJA	
Primljeno: 10-11-2021	
Org. jed.	30/14
	3071/21

**PREDMET: Informacija**

Poštovani,

Dostavljamo Informaciju u pogledu primjene člana 32. st. (2) i (4) Zakona o računovodstvu i reviziji u Federaciji Bosne i Hercegovine („Službene novine Federacije BiH“, broj: 15/21, u daljem tekstu: Zakon). Također, napominjemo da je Federalno ministarstvo finansija već dostavljalo mišljenja vezano za primjenu člana 32. Zakona.

Zakon je bio duže vremena u parlamentarnoj proceduri, obavljena je široka javna rasprava, a konsultovani su i domaći i međunarodni stručnjaci prilikom izrade. Također su prihvaćeni i određeni amandmani (na prijedlog Udruženja poslodavaca FBiH). Zakon je usklađen u najvećoj mogućoj mjeri sa Direktivom 2013/34/EU Europskog parlamenta koja se odnosi na oblast računovodstva, a kojom su stavljeni izvan snage četvrta i sedma direktiva, te Direktivom 2014/56/EU koja se odnosi na oblast revizije i kojom se mijenja osma direktiva. Također je izvršeno djelimično usklađivanje i sa Uredbom EU 537/2014 koja se odnosi na oblast revizije.

Odredbama člana 2. tač. a) i b) Zakona je propisano da je računovodstvo sistem čije funkcioniranje osigurava informacije o finansijskom položaju, uspješnosti poslovanja, tokovima gotovine, promjenama na kapitalu i drugim finansijskim i nefinansijskim informacijama značajnim za eksterne i interne korisnike finansijskih izvještaja, a da knjigovodstvo podrazumijeva evidentiranje, klasificiranje i sumiranje poslovnih transakcija i čuvanje originalne poslovne dokumentacije koja pruža dokaze o tim transakcijama.

Članom 7. stav (1) Zakona je propisano da pravna lica, u skladu sa donesenim općim internim aktom, uređuju organizaciju računovodstva na način koji omogućava sveobuhvatno evidentiranje, kao i sprječavanje i otkrivanje pogrešno evidentiranih poslovnih promjena, uređuju interne računovodstvene kontrolne postupke, utvrđuju računovodstvene politike, određuju lica koja su odgovorna za zakonitost i ispravnost nastanka poslovne promjene i sastavljanje i kontrolu knjigovodstvenih isprava o poslovnoj promjeni, uređuju kretanje knjigovodstvenih isprava i utvrđuju rokove za njihovo dostavljanje na dalju obradu i knjiženje, utvrđuju postupke pripreme, sastavljanja i prezentacije finansijskih izvještaja, propisuju postupke prikupljanja, obrade i prezentacije podataka u vezi sa pripremom i sastavljanjem izvještaja o poslovanju, te finansijskih

podataka za statističke, porezne i druge potrebe i uređuju i druga pitanja od značaja za uspostavljanje efikasnog sistema knjigovodstva i računovodstva u pravnom licu.

Odredbama člana 32. stav (2) tač. a) i b) Zakona, propisano je da vođenje poslovnih knjiga i sačinjavanje finansijskih izvještaja pravno lice može povjeriti ugovorom, uz određenu naknadu, drugom pravnom licu registrovanom isključivo za pružanje knjigovodstvenih i računovodstvenih usluga a koje ima sve potrebne resurse za kvalitetno i efikasno obavljanje tih usluga, te koje ima zaposlena kvalificirana lica koja su odgovorna za vođenje tih poslova i koja ispunjavaju i druge uslove u skladu sa ovim zakonom i općim aktom pravnog lica, te može povjeriti i poduzetniku registrovanom za pružanje knjigovodstvenih i računovodstvenih usluga koji je sam kvalificirano lice ili zapošljava drugo kvalificirano lice i ispunjava i druge uslove utvrđene ovim zakonom i internim općim aktom.

Izuzetno od prethodno navedenog stava, a u skladu sa stavom (4) istog člana Zakona, kod povezanih pravnih lica u Federaciji Bosne i Hercegovine (u daljem tekstu: Federacija), pravno lice može povjeriti vođenje poslovnih knjiga ugovorom, uz određenu naknadu, drugom povezanom pravnom licu (matici) u Federaciji koje ima sve potrebne resurse za kvalitetno i efikasno obavljanje tih usluga, te ukoliko ima zaposlena kvalificirana lica za vođenje poslovnih knjiga i sačinjavanje finansijskih izvještaja i koja ispunjavaju i druge uslove utvrđene ovim zakonom i općim aktom pravnog lica.

Shodno članu 135. Zakona, pravna lica i poduzetnici iz člana 32. stav (1) tač. a) i b) Zakona, bili su dužni upisati se u registre pravnih lica i poduzetnika koji pružaju knjigovodstvene i računovodstvene usluge koje vodi Federalno ministarstvo finansija u roku od šest mjeseci od dana stupanja na snagu Zakona.

U skladu sa odredbama člana 32. Zakona, pravno lice iz Federacije ne može povjeriti vođenje dijela poslovnih knjiga svom povezanom pravnom licu u inostranstvu, jer isto ne može biti upisano u prethodno navedene registre koji vodi Federalno ministarstvo finansija, a postavlja se i pitanje šta su to pomoćne usluge, ako imamo u vidu naprijed navedene odredbe člana 2. tač a) i b) i člana 7. stav (1) Zakona.

S poštovanjem,

